

INSERTATIO MEDICA  
INAUGURALIS,

DE  
ASTHMA TE SPASMODICO.

QUAM,  
ANNUENTE SUMMO NUMINE,  
Ex Auctoritate Reverendi admodum Viri  
GULIELMI ROBERTSON, S. S. T. P.  
ACADEMIÆ EDINBURGENÆ Praefecti;

NEC NON  
Amplissimi SENATUS ACADEMICI consensu,  
et nobilissimae FACULTATIS MEDICÆ decreto,  
PRO GRADU DOCTORATUS,  
OMNIBUSQUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subicit

THOMAS RYAN,  
HIBERNUS.

Societ. Physic. Edin. Soc. Hon. et Praef. Ann.

NEC NON

Soc. Reg. Med. Ed. Sod.

Ad diem 24. Junii, hora locoque solitis.

EDINBURGI;  
Apud BALFOUR et SMELLIE,  
Academiae Typographos.

M,DCC,LXXXIV.

c

# CORRIGENDA

Pag. 3. lin. 11. *pro morbos lege morbo.*

23. 9. *septem lege septum.*

29. 11. *mereant lege maereant.*

— 17. *fuerit lege fit.*

39. 12. *forbillatione lege forbitione.*

Viro spectatissimo,

Avunculo suo,

GEORGIO BARNEWALL,

ARMIGERO,

Ob amicitiam intemeratam,

Qua

Se nunquam non profecutus est,

Hancce dissertationem,

Levem quidem et imperfectam,

Sed animi beneficiorum haud immemoris,

Testimonium minime ambiguum,

Qua decet observantia,

Consecrat

A U C T O R. †

W.<sup>m</sup> Heffray  
with best respects  
from his very humble  
servant The Author

# DISSERTATIO MEDICA

## INAUGURALIS,

### DE

## ASTHIMATE SPASMODICO.

**R**ESPIRATIO ad vitam adeo necessaria est, ut nequidem per tempus exiguum sine vitae discrimine summo suspendi queat; quapropter, aut impedita aut penitus sublata, summam cujusque medici attentionem jure meretur. Omnia tamen vitia quibus patet respiratio, quippe sermonem nimis longum desiderantia, hic tractare omisi, et asthmatis spasmodici rationem duntaxat habendam existimavi.

Spirandi difficultas varias agnoscit causas, veluti, nimiam sanguinis abundantiam, pneumo-

†

A

niam,

## 2 DE ASTHIMATE SPASMODICO.

niam, cordis polypum, pectoris hydropem, &c. Asthma autem spasmodicum a causa sibi propria oritur, postea memoranda, ex qua parum intellecta multum confusionis et erroris ortum. Ut res tamen de qua agitur melius intelligatur, ad historiam morbi animum advertam, praemissa illius definitione.

### DEFINITIO.

Spirandi difficultas per intervalla subiens, cum angustiae in pectore sensu, et respiratione cum sibilo strepente; tussis sub initio paroxysmi difficilis vel nulla, versus finem libera, cum sputo muci saepe copioso \*.

### HISTORIA.

Duplicem asthmatis speciem finxerunt auctores, haud satis gravi de causa, siccam nimirum  
et

\* Genera morbor. Cullen. gen. lv.

et humidam. Sub hac, sputa magna copia rejiciuntur; sub illa, nulla observantur, nisi finem paroxysmi versus. Alias divisiones passim apud scriptores invenire est. Floyerus, auctor sat accuratus, sed pro more temporum incultus, de asthma continuo ac periodico mentionem facit: Hoc vero ad asthma spasmodicum, illud ad dyspnoeam, referendum existimo. Quin et dividitur in idiopathicum atque symptomaticum, prout originem duxerit vel ab affectione pulmonum primaria, vel ab alio quoviscunque morbo pulmones per consensum afficiente. Quantum has omnes divisiones attinet, earum plurimae, utpote inutiles, negligendae, et forsitan distinctio generalis in asthma ac dyspnoeam in animo duntaxat tenenda, et in praxi duntaxat respicienda.

De asthma idiopathico hic loci quaestio solum instituenda est. Morbi adventum ut plurimum docent quaedam symptomata notatu digna. Post cibum, serius occlusus ventriculus distenditur, et pondere insolito opprimi atque gravari videtur. Aër per gulam expellitur, humori aquam referenti et insipido nonnunquam commistus. Fonticuli, si qui sint, inflammantur ac dolent. Artus rigent, quasi multo fracti



fracti essent labore. Voluntatis iussa parum auscultantur, et aeger viribus collapsis motum odit ac averfatur. Dolet caput et gravatur. Hebescunt sensus. Oscitatio et pandiculatio crebro eveniunt; et vesperem versus somnus, potiusve torpor et in somnum proclivitas, obrepunt. Urina pallefcit, et magna copia profunditur, post paroxysmum finitum rubra ut plurimum evasura. Pectus, anhelato motu tremit. Organa respirationi inservientia viribus distendentibus vix cedunt, et quasi obrigent septum transversum nimirum quod aegre deorsum movetur, &c. Tussis interdum obsidet, alias nulla vel sicca observatur; summaque adest anxietas cum spirandi difficultate.

Per noctem haec omnia intenduntur. Calet aeger, et huc et illuc inquietus se jactat: Et prima vel secunda hora matutina, post somnum plus minusve altum expergefactus, paroxysmo corripitur. Spiritus interclusus arcte meat. Omnes muscoli thoraci incumbentes motibus insolitis tremunt. Expiratio inspirationem tarde ac lente excipit, atque stertore quodam vel sibilo perficitur. Spiritus ore hiantes patulisque naribus trahitur, et aeger lectum fugere ad aërem captandum frigidulum cogitur, et erecto corpo-



re se tenere; nec loqui, neque sternuere, neque tussire ut plurimum potest. Ejus facies rubet, quamvis nonnunquam palleat. Oculi prominent, et truces torvique apparent. Capitis gravado dolorque augentur, et in tali rerum statu si somnus forte contingat, somniis horrificis atque absurdis turbatur.

Paroxysmo durante, ventriculus plus minusve distenditur. Abdomen tumescit, et aër inclusus ubique intestinorum oberrat, borborygmos excitans; atque vomitus materiae viridis vel flavae frequenter accidit.

Pulsus quod ad vim et frequentiam multum variat. Interdum velox magnusque, alias debilis et intermittens, alias vero prorsus naturalis invenitur.

Ingravescente malo, summa oritur circa praecordia anxietas ac ferine intoleranda. Cor violenter palpitat. Frigent artus. Musculi, debita firmitate amissa, non amplius torosi conspiciuntur; et tandem viribus aegri summopere exhaustis, delirium, sopor, animique deliquium contingunt. Paroxysmus, utcunque gravis videatur, haud semper pertimescendus. Licet enim aeger quandoque tantam experiatur spirandi difficultatem, quanta spectantium animos gravi

vi

## 6 DE ASTHMAE SPASMODICO.

vi formidine percellat, ne de illo conclamatum fit; periculum tamen ut plurimum abest, nisi quibusdam in casibus raris, quorum exempla nonnulla subinde occurrunt.

Paroxyfmi duratio modo brevior modo diuturnior. Interdum a bihorio ad diem integrum protenditur; plerumque tamen, mane provecto, in melius vertitur. Tussis, antea impedita, fit liberior, ac muci copia admodum varii, modo gummi tragacanthae similis, modo sanguine tincti, vel lineis nigris interstincti, excernitur.

Organa respirationi inserventia facilius moventur. Spirandi difficultas imminuitur. Pectoris dolor evanescit. Venter detumescit. Flatus exploditur; et aeger somno vehementer exoptato demum obruitur.

Nondum autem ex toto solvitur morbus. Gravitas pectoris adhuc sentitur; tarditas ad muncra solita obeunda, et spiratio difficilis ad cursum motumve. Vesperis torpor cum ventriculi inflatione iterum obrepit. Symptomata olim acta noctu iterum recrudescent, et hora prima vel secunda matutina alter paroxyfinus de novo accenditur, pari modo quo prior levandus. Remissiones atque exacerbationes per plures vires aliquando sese mutuo excipiunt. Sed auc-

ta tandem sub finem paroxyfmi cujufvis excretionē mucī, levius fit malum et pedetentim definit, poft tempus brevius longiufve rediturum. Quod de podagra id de afthmate quoque verum; nempe, quo diutius perftiterit, faeviusque fure-rit, eo longius ac plenius expectandum eſſe intervallum a morbo prorfus liberum\*. Hic tamen plurimum faciunt tempeftatum viciffitudines, vivendi ratio, aliaeque res fuo loco memorandae. De paroxyfmorum intervallis, nihil certi tradi poteft, quippe quae multum pendeant ab aegri conftitutione morbique duratione. Ineunte morbo, paroxyfmi bis terve in anno ad ſummum, ut plurimum, eveniunt; provecto tamen creberrime renovantur, et demum perpetuo fere laceffunt.

Quamvis inter affectiones pertinaciſſimas, quibus obnoxium eſt corpus, afthma recensendum, raro tamen vires propria ſua vi ſemel et ſimul frangit, ſed vel longa valetudine exhaurit, vel alios morbos inducit nulla vi debellandos, nonnunquam primario malo plus pertimeſcendos; ſcilicet, phthiſin pulmonalem, cui accedit febris hectica, corpus depaſcens atque corrumpens,  
pectoris

\* Vid. Floy. on the afthma, pag. 13.

pectoris hydropem, ascitem et anasarcam, hemiplegiam; et in hoc rerum statu deplorando novus impetus adveniens aegrum e medio saepissime tollit. Notandum tamen est, hunc morbum raro diu durare, quin summam corporis extenuationem producat.

En morbi formam communem: Varietates autem interdum exhibentur notatu dignae. Licet aegri ut plurimum se melius habeant, corpore erecto vel aliquantum antrorsum inclinato; casus tamen leguntur ubi dyspnoea levabatur ex positura corporis omnino contraria. Historiam quoque phthisis pulmonalis accepi, ubi quid simile observatum erat. Hujusmodi exempla rara praesertim contingunt, ubi morbus, altis radicibus actis, ingentem debilitatem induxerit. Porro, non desunt quibus diaeta non modo non parca, sed lauta ac opipara, inter paroxysmum remedio fuerit. Sed ne in his varietatibus describendis diutius immorer, me vetant temporis angustiae atque dissertationis limites praescripti.

## D I A G N O S I S.

Asthma nullo, saltemve parvo negotio ab aliis morbis secernitur, quos primo aspectu referre videtur. Quantum discrimen illud inter ac hydrothoracem attinet, haud facile in errorem inciditur: Hanc etenim spirandi difficultas ab initio ad finem usque comitatur; vel si quandoque plus minusve urgeat, nunquam paroxysmorum formam induit, aut indutam diu servat. Asthma, e contrario, ita reditque per intervalla modo longiora modo breviora, et paroxysmis decedentibus aeger ad integram sanitatem restituitur. Praeterea in hydrothorace pallet facies, urinae copia imminuitur. Intumescunt pedes. Vox atque tussis raro impediuntur, vel supprimuntur, et respiratio, quamvis difficillima, anhelitu illo singulari cum sibilo vel stertore maxima ex parte caret, neque sublimis neque tarda observatur, ut in asthmate multoties visa.

Cynanche trachealis morbo de quo agitur similitudine accedit: Limites tamen inter utramque affectionem ponere haud arduum esse exi-

†

B

stimo.



stimo. Illa infantibus propria est; hic aetatem senilem maturamve obsidet: Prior sedem potissimum in larynge aut in trachea tenet; posterior vero brônchiis fere ex toto continetur. Cyananche trachealis, cui nomen asthma infantum etiam inditum, exacerbationes atque remissiones ex sententia quorundam auctorum primis diebus patitur. Haec autem observatio a nonnullis in dubium revocatur, et profecto ulteriori confirmatione indiget. Utut sit, morbus post breve tempus continuus evadit, inflammationem sibi comitem adjungit, et spatio septem vel octo dierum aegrum relinquit opprimitive.

Dyspnoeae species variae in hoc ab asthma discrepant; quod remissionum et exacerbationum nesciae, dies noctesque suam tyrannidem exerceant, haud raro ad aliquot menses usque continuandae. Varias quidem ob causas, modo vi intenduntur, modo levantur; nunquam autem sub forma paroxysmorum adoriuntur. Huic accedit alia discriminis ratio, quod in variis dyspnoeae speciebus respiratio nullo strepitu sibilante, uti in asthma, observare licet, perficiatur.

Morbus

Morbus \* singularis a Doctore Heberden in Actis Londinenſibus deſcribitur, cui nomen angina peſtoris inditum, quoque non alius quiſpiam aſthmati magis affinis. Utraque affectio eaſdem cauſas haud raro agnoſcit; utramque eadem ſigna aliquando praecedunt; utriue eadem forma, idem ſymptomatum progreſſus; eadem utrique medela quandoque competit. Inſignem igitur convenientiam multa oſtendunt, ita ut nonnullis perſuaſum ſit morbos magnitudine non natura diſcrepare. Hoc tamen affirmare non audeo; certiffimum enim eſt quibuſdam in caſibus, anginam peſtoris ſymptomatis quodammodo peculiaribus eſſe ſtipatam, ſive modi quo invadat, ſive durationis ſeu eventus, ratio habeatur. Inſuper obſervandum eſt, viros et ingenio et doctrina inſignes litem de illius cauſa et natura nuper moviſſe, quae haecenus non modo non dijudicatur, ſed majori majorique animi contentione indies agitur. Quapropter ſatius erit expectare donec dies rei adeo obſcurae lumen affuderit, quam morbi parum cogniti indolem conjecturis proſequi, quamque varii varie trahunt.

C A U.

\* Lond. Med. tranſactions, vol. 2. p. 59.



## C A U S Æ.

Omnes causas, quotquot paroxysmum asthmaticum inducere valeant, memorare arduum foret opus. Praecipuas igitur perstringere mihi duntaxat in animo est, illasque, pro more solito, in praedisponentes ac occasionales distribuere expedit.

## DE PRÆDISPONENTIBUS.

Opportunitas ad hunc morbum ex quodam partium respirationi inservientium vitio pendere videtur, quod a parentibus ad nepotes, veluti donum funestum, procul omni dubio saepissime transit: Quale autem sit, haud dictu facile. Vastorum pulmonalium teneritudo ac mollities, quibus apta reddantur ad motus abnormes concipiendos multis morbi phaenomenis egregie conveniunt. Asthma enim, quamvis nulli aetati,  
vel

vel sexui, vel constitutioni, parcat, iis potissimum familiare observatur qui corporis fabrica molli, cute laevi ac nitida, colore roseo ac amabili, gaudeant, quibusque vasa sanguine plus justo referta sint, pectusque solito angustius. Non desunt tamen argumenta quae contra hanc sententiam militare videantur; illam igitur nec arroganter neque audacter propono, et penes quemque erit ei aut demere aut addere fidem. Utcunque tamen sit, probe notum est, morbum vel ex corporis debilitate, vel ex nimia sanguinis abundantia, graviores evadere. Evacuationes enim nimiae, et per venaesectionem et per cathartica saepe propinata, morbi reditui favent, et quemlibet paroxysmum diuturniorem ac periculosiorem efficiunt. Eodem respiciunt vigiliae modos egressae, venus nimis culta.

Quin et omnia plethorae amica eosdem praestant effectus, veluti diaeta lauta ac opipara, animi quies ac corporis, somnus ultra modum protractus, sanguinis profluvia cohibita, atque fonticuli suppressi. Sanguinis abundantia praesente, paroxysmus eo certius excitabitur, si magna illius copia in pulmones coniecta fuerit. Animo enim tenerè oportet, vasorum distensionem spasmus nonnunquam causam praebere, et vicissim hunc

hunc ipsum fluidorum accumulationi. Colica et pertussis sunt exempla.

## DE OCCASIONALIBUS.

Aëris quod ad gravitatem et levitatem vicissitudines corpus haud parum afficiunt ; quamvis multum absit ut tantum his causis nunc tribuatur quantum nuper et olim. Non temere creditum est, ac dictum, aëris undequaque circumfusi pondus partes internas inter et externas libramen conservare. Nam animalia in vacuo posita in immensam molem crescere dicuntur, fluidis scilicet expansis, ob vim magnam aëris iis insitam, tuncque extricatam ; et haud dubie fatendum est, tale quid nobis eventurum quale in vacuo observatum, si aër premens subito et ex toto sublatus fuerit : Verum enimvero mutationes aëris quod ad levitatem, quae in orbe nostro subinde contingunt, nunquam effectus adeo insignes edunt. Diu in montium excelsorum cacuminibus non modo sine incommodo, sed etiam maximo cum fructu vivitur. Et qui nuper ope machinarum,

chinarum, *Air balloons* dictarum, per campos aëris late patentes, ac per nubila iter novum haëtenusque intentatum arte plus Daedalea sibi patefacerent, ne minimum quidem mali inde experti sunt. Quae cum ita sint, nonne concludere aequum est, talem fluidorum expansionem raro obtinere? Dyspnoea quidem, aëris pondere subito imminuto, interdum contingit; sed ex hoc haud dubie provenit, quod aër levis ac rarus pulmonibus dilatandis parum sufficiat: Unde sanguis, copia praeter solitum majori in vasis pulmonalibus accumulatus, spirandi difficultatem producet; et insuper notandum, aërem levissimum parum idoneum esse halitui illi venenato quem exhalant pulmones evehendo, et ex quo retento larga pullulat malorum seges. Utut sit, experientia docet asthmate affectos pejus sese habere quotiescunque tales eveniant vicissitudines. Symptomata gravia mitescunt, mens hilarior evadit, ac spiratio facilior, coelo fudo et sereno, aëre vaporibus vacuo, et quotiescunque mercurius in barometro alte ascendit.

Ubi imbres imminet, et coeli facies tenebris nebulisque inhorret, paroxysmi creberrime invadunt; sed nullum tempus asthmatico magis pertimescendum,

pertimescendum, quam quod procellas praecedat, quando mercurius altissime descendit \*.

Licet aëris levitas repente exorta tantum valeat in paroxysmis inducendis, idem nihilominus effectus ab illius gravitate praetermodum aucta aliquando profluere solet. Ut enim sanguinis per pulmones iter libere perficiatur, necessarius est certus quidam distensionis gradus, quem ultra citrave tantum abest ut promoveatur, ut plurimum impediatur, et profecto aër plus aequo gravis pulmones nimis dilatando, vasaque nimis comprimendo, talia incommoda producere potest. Abunde autem varietatum quod ad causas memoratas obtinet. Qui in valle paroxysmorum immunis degerat, in montis verticem elatus morbum saepissime experitur; et vicissim; idem de urbis incola dicendum, qui rus veniens in gravissimam spirandi difficultatem nonnunquam delabatur; et contrarium non semel verum inventum †. Hic, ut alibi, mira est consuetudinis vis; et, sane omnibus consideratis, forte non nemo sibi persuadebit genus nervosum hisce aëris mutationibus plus affici, quam ipsum genus sanguiferum.

*Calor*

\* Floyer, pag. 56.

† Mead Monita et Praecepta Med.



*Calor.*—Hic corpori admotus paroxysmum asthmaticum inducere potest, vel in nervos agendo, vel sanguinis impetum adaugendo; animo enim tenendum est, circuitum sanguinis intensum repressumve haud parum valere cum in paroxysmis excitandis, tum in illis cohibendis. Nam perspicuum est morbos a nervis male affectis pendentes interdum graviores atque periculosiores evadere, ab impetu fluidorum praeter solitum aucto. Complures igitur tempore aestivo, canicula furente, asthma adoritur, qui melius se habent ad hyemis adventum. Hoc tamen non ita intelligendum quasi contrarium nunquam eveniret. Sunt qui morbo tempore brumali, flantibusque aquilonibus, vehementer admodum conflantur; ac imprimis si pectus non bene tectum fuerit, aut frigori quovis modocunque expositum. In posteriore casu catarrhus raro abest.

Vapores varii, quibus aer aliquando onustus est, paroxysmum inducere queunt; veluti, plumbi, mercurii, arsenici, sulphurisque exhalationes: Et hinc intelligitur cur malum pictoribus atque inauratoribus familiare sit. Simili vi pollet aer mephiticus. Casus memoriae proditur cujusdam hominibus qui gravissima spirandi difficultate corripiebatur dum mustum inter fermentan-

dum olfaceret \*. Par est fumi cujuscunque fuerit generis, ac odorum five bene, five male oleant, ratio. Quotquot impediunt quo minus thorax amplietur, nimirum, ventriculi distentio, emplastra pectori admota, fasciae extrinsecus applicatae, respirationem difficilem faciunt. Exercitatio crebra, nimis valida, usque ad defatigationem continuata, utpote sanguinis circuitum intendens ac debilitatem inducens, periculo nunquam caret. Nihil expeditius certiusve morbum, anginam pectoris dictum, aëthinati maxime affinem, quam corporis exercitium excitat; ita ut qui stantes bene se habeant, ad minimum motum cursumve quasi ictu fulmineo tacti corruant morbo correpti.

Omnes animi affectus, five ex genere excitantium, five deprimentium fuerint, metuendi. Hanc sententiam illustrat hypochondriasis, cujus aëstima haud raro comes est, et ubi pathemata mentis imprimis dominantur. Eosdem praestant effectus quaeque animi contentio valida, studia acriter culta, &c.

*Viclus.*—Haud impune fertur ingluvies, praefertim si alimenta e frugibus oleribusve, quibus vis aëris non exigua inest, parata fuerint. Quod victum animale attinet, eo peior invenitur quo  
vif-

\* Bonet. apud Floyer citat.



yifcidior : Quapropter nocent oſtræa, animalia recens nata, piſceſque. Bacchus plus æquò cultus plurima ſecum affert incommoda. Sunt qui ſummam ſpirandi difficultatem experiantur ex tribuſ etiam cyathis cujuſcunque liquoris ſpirituofi propinatis ; et non dubium eſt intervalla paroxyſmiſ interjeſta breviora evadere ex uſu vini, vel etiam cereviſiæ fortis immodico. Variæ reſ intuſ aſſumptæ nocere queunt, non modo quantitate nimia, ſed etiam prava ac parum idonea ſua qualitate ; nam conſenſuſ quam maximuſ ventriculuſ inter et pulmoneſ viget, ita ut ille male affectuſ horum munera multum impediât.

Quidam cum veterum tum recentiorum aſthma ab exanthematiſ, varioliſ nimirum et morbilliſ, et a ſcabie ſuppreſſiſ ac intuſ verſiſ, profluere contenderunt. Taleſ in corpore mutationeſ ſequitur haud dubie difficultaſ ſpirandi ingeſ : Sed aſthma, ut opinor, aut raro aut nunquam, niſi in iis qui ex pulmonum ſtructura ad morbuſ opportuni ſunt. Eadem eſt ratio quarundam cauſarum de quibuſ olim loquuti ſunt medici, cordiſ nempe polypi, hydropiſ pectoriſ, adipiſ circa pulmoneſ accumulati. Obi-  
ter annotare juvat, paroxyſmoſ aſthmaticoſ ab  
hyſteria

hysteria et hypochondriasi quandoque ortum suum trahere.

### CAUSA PROXIMA.

Cum paucae admodum occasiones hunc morbum conspiciendi mihi subministratae fuerint, minime expectandum est aliquid luminis rei tam obscurae et difficili meis ex indagationibus affulsurum. Veruntamen, ut mori praescripto me accomodem, quasdam ex theoriis huc pertinentibus breviter expendere conabor.

Opiniones veterum hac de re memorari vix merentur. Pituitam sinxerunt quae pulmones obstrueret ac respirationem impediret. Nihil tamen talis materiae praesentiam ante morbum inchoatum probat, et copia muci viscida ac tenacis, quae finem paroxyfmi versus rejicitur, pro effectu, potius quam pro morbi causa, habenda videtur.

Quidam meliore innixi fundamento, cum secum reputassent quam irritabilis esset laryngis membrana interior, stimuli quocunque impatiens, et quam bene accommodati essent ejus musculi

musculi motibus concipiendis, paroxysmum asth-  
maticum ad spasinum hisce partibus illatum re-  
tulere; atque huic sententiae eo magis faverunt  
quod, irritata membrana supradicta vel stimulo  
mechanico vel chemico, (nam periculum in ca-  
ne factum fuit,) repente paroxysmus excitare-  
tur.

Haec theoria forsan nec ex toto negligenda,  
neque ex toto admittenda. Semper enim quae-  
rere licebit, utrum affectio asthma an dyspnoea  
esset? At, dicet aliquis, 'omnia verum asthma  
'depinxere.' Esto. Nonne autem consensus  
viget quam maximus inter omnes partes mem-  
branae, laryngem, tracheam, pulmonesque in-  
vestientis, ita ut affectio uno in loco exorta  
longe lateque protinus diffundatur? Et nonne  
spasmus laryngem primo occupans ad bronchi-  
as usque brevi propagabitur? Pulmones quidem  
veneno iis admoto in contractionem non cien-  
tur. Non idcirco tamen concludendum, fibras  
musculares vesiculis aëreis deesse, hasve nunquam  
spasmo constringi. Quid enim est, quod tuni-  
cam muscularem in venis adesse, in quibus nec  
visa unquam fuit, neque experimentis compro-  
bata ponamus, eandemque vesiculis in aëreis  
existere dubitemus, propterea quod aciem ocu-  
lorum et diligentiam cujusvis explorantis etiam  
acu-

acutissimi hæcenus effugerit? Porro, est ubi arteriae, de quarum structura musculari inter omnes hodie convenit, veneno quolibet admoto, vix ac ne vix quidem moventur; et profecto quæ trachea se findit in duos ramos fibrae musculo-fae plane conspiciuntur, et credere haud absonum est, eandem structuram per totum eorum tractum obtinere. Haec omnia tamen non ita accipienda sunt, quasi morbus de quo agitur laryngem nunquam afficeret. Omnia organa respirationi inservientia affectionem quovis modocunque excitatam participare queunt, ut postea clarius patebit: Sed verisimile est, bronchias primum laborare, aegri quippe hoc morbo decumbentes dolorem quem sentiunt ad pectus plane referunt, quod obriget perinde ac vinculis ligatum esset. Insuper notandum est, paroxysmum asthmaticum a ventriculi distensione septi transversi liberum descensum impediens, vel ab omni causa quæ impedit quo minus thorax ampliatur, veluti emplastris pectori admotis, suum ortum nonnunquam ducere. Quæ quidem causæ pulmones facile afficere possunt, dum earum modus in laryngem agendi nec intellectu, neque explanatu facilis.

Vitium primo bronchiis contentum brevi latius diffundi potest, et omnia respirationis organa,

gana, si morbus violentus fuerit, facile in confensum trahuntur; nempe, septum transversum, trachea, larynx, &c. Hoffmannus casum hominis refert, cujus respiratio ex diaphragmatis laesione plurimum perturbata, cuique asthma supervenit\*. Gregorius noster illust. plures se vidisse memorat qui, paroxysmo durante, septum transversum deorsum movere haud valerent†. Memoriae etiam proditur, nervis septem transversum adeuntibus resectis, paroxysmum asthmaticum excitatum fuisse‡. Quin et expiratio inspiratione difficilius aliquando perficitur, ut in illa asthmatis specie quae hysteriam subsequitur observare licet. His omnibus, ni fallor, ut decet consideratis, plane apparebit, morbum bronchiis initio contineri, gradatim se diffundere, et tandem aliquando omnibus respirationis instrumentis incumbere.

R A-

\* Hoffman. oper. tom. 3. p. 96.

† Praelect. academ.

‡ Lower. apud. Floyer citat. p. 207. Parum, forsitan, Lowero aliisque auctoribus, qui talia experimenta instituere, fidendum, quippe qui non semper sat accurate asthma inter et dyspnoeam distinxerint. Utut sit, plurimis observationibus constat, actionem septi transversi, paroxysmo durante, aliquando impediri, et insuper sensum constrictionis circa laryngem interdum percipi.



## RATIO SYMPTOMATUM.

Cum de causa proxima jam satis dictum, in symptomatis explanandis multum temporis consumere, haud convenit.

*Ventriculus distenditur, aër per gulam, &c.*—Cibus in ventriculum assumptus quasdam subit mutationes antequam in naturam animale penitus subactus atque conversus fuerit. Quae nam vero sint hae omnes dictu difficillimum; neque opus est ut hic loci eas memorem. Sanitate vigente, alimenta parum, minutis autem viribus ventriculi, multum fermentescunt; ut docent ructus, dolor circa cardiam, &c. Et profecto debilitas pulmonum, quae asthmate adveniente contingit, facile cum ventriculo communicatur, ob consensum insignem qui inter haec viscera intercedit.

*Dolet caput et gravatur, cor palpitat.*—Cordis palpitatio multorum morborum comes est atque signum; ac praesertim oritur, si iter sanguinis per pulmones plurimum impeditum fuerit, quod procul dubio saepe contingit, quando bronchiae  
spasmo

spasmo coarctantur. Porro sanguis, tanta copia circa cor accumulatus, quanta palpitacioni producendae par sit, flumini a capite redeunti impedimento erit, unde caput necessario gravatum haud parum dolebit. Hic tamen, ut alibi, aliquid forte consensui nervoso, tribuendum: Nam capitis dolor haud raro ante perfentitur, quam sanguinis circuitus turbatus fuerit, et dum facies non modo non rubet, verum pallet.

*Spiritus interclusus arte meat.*—Inspiratio tarda est ac difficilis, ob spasmus bronchias tenentem ac coarctantem, plenamque idcirco pulmonum dilatationem impedientem. Spasmus alia respirationis organa aliquando occupans, veluti laryngem, ut in hysteria saepe accidit, expirationem difficilem facit, haud raro etiam inspiratione difficiliorem.

*Vox impeditur et supprimitur.*—Vox ab aëre in glottidis ligamenta ejusque parietes irruente pendet: Ad illam tamen edendam impetus certa quadam vi fiat oportet; vox quippe omnis magna fortisque expirationem exigit validissimam, vehementissimam. Non igitur mirum est, vocem debiliorem evadere, tandemque plane deficere, quotiescunque respiratio tantum perturbatur, quantum in asthma observare liceat.



## P R O G N O S I S.

Si tempore paroxysmi summa circa praecordia anxietas persentiat; si cor violenter palpitet; si respiratio difficillima, densissima, ac sublimis corpore non nisi erecto perfici queat; si facies admodum rubeat; si vox penitus deficiat; si pulsus parvus, debilis, celer, ac abnormis inveniat; denique, si animi deliquium eveniat; periculum haud dubie metuendum. Usus tamen docet tantum discriminis raro adesse, quantum haec symptomata gravia minitari videantur, et forsan deliquium animi, quod tanta mala aliquando facessit, hic ut in hysteria, spasmis solvendis qui bronchias occupant inservire potest. Utrum vero experientia hanc comprobaverit sententiam, necne, affirmare non audeo.

Eo periculosior est morbus, quo saepius recurrit, maxime si eousque invaluerit, ut cordis polypum, paralyfin, aliove morbos induceret. In hoc rerum statu deplorando, novus morbi impetus adveniens aegrum saepissime extinguit. Prognosis a morbi diuturnitate petita fallax esse potest;

potest; durat quippe per annos triginta vel quinquaginta, corporis viribus non omnino imminutis, variisque functionibus nonnunquam parum vel nihil perturbatis. Licet autem affirmare, eo plus periculi subesse, quo propius aeger ad senectutis limen accesserit, eoque minus quo longius ab illo distaverit. In flore etenim juventae affectiones spasmodicae contingunt, quae labentibus annis, propter mobilitatem generis nervosi imminutam, penitus evanescunt.

Spes quoque adest, modo nulla existat labes haereditaria, et si originem ab aliis morbis, veluti hypochondriasi, podagra, traxerit asthma.

Haud tamen dissimulandum est, hunc morbum, a quavis causacunque oriundum, medicinae raro parere, licet nihil intactum vel intentatum fuerit, quod illi obstitendo accommodatum visum esset.

## M E D E N D I M E T H O D U S.

Nulla res medicis difficilior est visa quam huius morbi reditum praecavere. Vitae senitam, ab aetate florente ad senectutem decrepitam usque,

que, haud raro obfidet, nec longaevitati, quæ plurimis morbis remedio eſt, neque medicinae parens ; verum enimvero, licet ut plurimum penes nos non fit morbum penitus profligare, ſymptomata tamen levandi, vitamque dum ſuper eſt jucundiorẽ reddendi, facultas nobis data.

Duo funt medendi conſilia.

1mo, Paroxyſmos quamprimum tollere.

2do, Eorum reditui obſiſtere.

Priori indicationi accommodantur evacuantia et antiſpaſmodica.

*Sanguinis miſſio.*—De hujus remedii uſu inter medicos parum convenit : Alii plurimis laudibus id cumulant ; alii id damnant ; dum omnes ad experientiam provocant. Multum procul dubio confuſionis inde ortum eſt, quod medici diſtinctionem aſthma inter ac alias dyſpnoeae ſpecies inſtituendam parum conſideraverint : Nam creditum fuit aſthma ſpaſmodicum a variis cauſis pendere, veluti, pectoris hydrope, cordis polypo, &c. et certiffimum eſt venaefectionem alios atque alios effectus in diverſis hiſce affectionibus edituram. Quid tamen de illa dicendum in aſthmate ſpaſmodico ? Iſte morbus a ſpaſmo evidenter ortum ducit, qui debilitatis ſignum certum eſſe ſolet. At nimia ſanguinis  
abundantia

abundantia opportunitatem ad morbos spasmodicos quandoque praebet; cujus rei exemplum praebet hysteria. Praeterea, spasmus sensum praeter solitum auctum, pro causa saepe agnoscit; et profecto nil certius partis cujuslibet sensum quam sanguis magna copia illuc pulsus exacuit; hoc illustrat inflammatio: Insuper, qui temperamento gaudent sanguineo; ii irritabiles ac admodum sentientes observantur; ita ut, levissimas ob causas, modo immenso perfundantur gaudio, modo mereant, paveant, atque convellantur. Nemo igitur, ut opinor, hisce rationibus consideratis, venaesectionem aliquando profuturam negabit. Semper autem ad aegri constitutionem, morbique vim et durationem, respiciendum; neque sanguis aliter mittendus. Si respiratio plurimum impedita fuerit, si vultus turgidus appareat, oculique sanguine suffundantur, una cum calore multum aucto, pulsuque magno et frequenti, vena procul dubio statim tundenda, ne pulmones laedantur aut corrumpantur, maxime si aeger in flore juventae sit, neque repetitis morbi accessionibus exhaustus. Veruntamen suos habet limites sanguinis detractio; saepius celebrata vires convellit, et tantum abest ut morbum levet, ut illum graviores reddat, ejusque

ejusque reditui faveat. Senibus quoque ut plimum nocet, propter debilitatem insignem, quae tunc temporis contingere solet.

*Emetica.*—Asthmate adveniente, ventriculus distenditur atque opprimitur, aër per gulam expellitur, et concoctio plurimum turbatur; quapropter ad emetica frequentissime decurritur. Acriora tamen effugienda. Leniora adhibenda, sicut ipecacoanha, tartarum emeticum, refractis dosibus. Vomitio, tamen, quamvis suis usibus non careat, raro excitanda, et non nisi post summum adhibitum consilium; nam violenta vel nimis saepe repetita ventriculum infirmat, totumque corpus debilitat, et, testante Floyero, morbi reditui occasionem haud raro subministravit. Quidam aegris ipecacoanhae gr. v. vel vi. omni mane, per tempus brevius diuturniusve devoranda, ita ut nausea utcunque levis moveatur praescribere solent, et proculdubio insigni interdum cum beneficio.

*Cathartica.*—Alvi fluxu sponte orto nonnunquam paroxysmi solvuntur; et medicum semper decet viam sequi quam natura monstraverit. Conveniunt, igitur, purgantia mitia, puta, fructus tamarindorum, manna, sal Glauberi, dum sedulo evitanda sunt scammonium, jalappa, et similia; quippe nimis evacuando, debilitatem inducunt.

ducunt. Porro, durante paroxysmo, ut alvus libera atque soluta fervetur, ad lotiones emollientes, vel ad enemata e salibus mediis, similibusve parata, quandoque feliciter admodum decurritur.

*Epispastica.*—Quotiescunque insolita sanguinis copia pulmones gravantur ac obruuntur, haecce remedia prosperrimo cum eventu usurpari solent, et pari fere ratione profunt fonticuli atque setacea, ubi adest plethora. Notandum, autem, est morbo provecto et inveterato nimiam sanguinis abundantiam raro obtinere, ideoque epispastica indies magis magisque inutilia evadere, et provecto parum aut nihil eorum virtutibus stimulantibus tribuendum, quando vires admodum fuerint labefactatae ac imminutae.

*Expectorantia.*—Hujusmodi medicamentorum actio valde incerta invenitur; et multum abest ut nunc dierum tantum iis tribuatur, quantum nuper et olim. Inter optima recensentur gum. ammon. colchicum, rad. scillae, quam insigniter commendat Hoffmannus illust. En ejus verba: ‘Observatione dignissima est mirabilis illa ac fere stupenda scillae in allevando asthmatis immani paroxysmo efficacia,’ &c. Fatendum tamen est pariterque dolendum, medicos hujus-

ce



ce aevi illius ex usu effectus adeo notabiles, aut raro aut nunquam, percepisse; et, si forte quid boni unquam praestet, id viribus emeticis, quibus gaudet, referendum. Decocta emollientia, qualia sunt sem. lin. althaeae decoct. &c. utpote ventriculorum gravantia ac distendentia, ut plurimum nocent.

*Acida* cujuscunque fuerint generis graviter commendata sunt, et non dubium est quin junioribus, praesertim quando calor corporis intenditur, et pulsus quod ad vim et frequentiam augetur, insigniter profint. Acetum, acidum vit. suc. limon. praecipue notari merentur.

*Antispasmodica*—qualia sunt opium, camphora, aether vitriol. moschus, castoreum, assa foetida, nullum medicamentorum opio praestantius utiliufve nobis cognitum; et, omni plethorae suspicione sublata, libere praescribi debet, vel forma solida, vel forma tincturae, quae, ut plurimum, magis idonea invenitur; quippe hoc modo ejus effectus celerius propagantur. Haud tamen dissimulandum, illud quibusdam aegris graviter interdum nocuisse, et in casibus similibus ad alia remedia semper confugiendum.

Camphoram \* auctor doctus et ingeniosus summis laudibus tollit, et procul omni dubio

non

\* Millar on the Asthma.





foetidae administratio curam haud levem et prudentiam desiderat ; quippe quae homines aliter atque aliter, secundum constitutionum varietates, afficiat ; adeo ut, vel intus assumpta, vel odoratu percepta, aliis multum profit, aliis valde noceat. Ideoque e re erit cujusque medici aegrotantis temperamentum penitus novisse, antequam remedium anceps, neque omnibus accommodatum, praescripserit.

*Fomenta anodyna, oleosa, nervina*, ut dicuntur, pectori admovenda, suis fautoribus olim non caruere ; nunc tamen in defuetudinem ubique, et merito, ut opinor, abeunt ; nam perspirationem cohibendo plurima incommoda producere queunt.

Ut priorem hanc partem exequar, hoc solum superest, ut de diaeta ac regimine, quae aegrotis, paroxysmo durante, convenient, mentionem quam brevissime faciam.

Sit cibus levis ac concoctu facilis, qualis lactisve serum, panis bene fermentatus, juscula tenuia, quae ventriculo minime oneri sunt, et parum stimuli continent. A cibo animali solido, nimirum qui corpus plus justo excitet, febrim accendat, sitinque adaugeat, sedulo abstincendum. Potus tenuissimus esse debet, atque  
frigidulus,

frigidulus, veluti, aqua pura et gelida, cui pauxillum vini commistum, vel quae super panem tostum infusa est. Vegetabilia, quae fermentationem cito subeunt, ac vim aëris haud parvam continent, non sine periculo devorantur. Calor, sive a sole seu a focus accensis proveniat, omni cura evitandus; atque lectus quamprimum aeger paroxysmo corripitur effugiendus. Aër purus esse debet, aliquantum frigidus, neque vaporibus onustus et inquinatus. Hic tamen varietates obtinent postea memorandae.

Ad secundum consilium assequendum, eo praecipue respiciendum, ut nimia pulmonum totiusque corporis mobilitas imminuatur, cursusque sanguinis pulmones versus pulsus, alias in vias dirigatur.

Posteriori indicationi inserviunt epispastica, setacea, fonticuli, cathartica, de quibus jam satis dictum. Quod fonticulos et setacea attinet, raro quid boni, nisi in junioribus, quorum vasa sanguine turgent, praestant. Per totum morbi decursum, tum paroxysmis cum intervallis durantibus, alvum modice solutam fervare haud parum conveniet: Nam certissimis observationibus constat, alvi fluxum excitatum repressumve multum, et in paroxysmis compescendis, et in illis inducendis, valere.

Pulmonum

Pulmonum mobilitati corrigendae plurima accommodantur medicamenta, quae obiter perstringere expedit.

*Tonica.*—Omnibus remediis e regno vegetabili depromptis, quae vim tonicam possident, palmam facile praeripit cortex Peruvianus, quantitate idonea assumptus. Saepissime quidem successu caruit : Sed in morbo pertinacissimo non mirum est, optimum quodvis medicamentum interdum votis non respondisse. Quotiescunque per intervalla certa ac statuta ita reditque affectio asthmatica, plus forsitan ejus viribus fidentum. Loco corticis, amara quandoque in auxilium vocata summopere profuerunt ; nimirum quae corpus insigniter roborent confirmentque. Praeparationes ferri, veluti, sal martis, limatura, rubigo, utpote e metallicis longe tutissimae, aegrotantibus maximo cum successu aliquando praescribuntur.

*Lavatio frigida.*—De variis frigoris virtutibus quaestionem hic loci instituere parum conveniret. Sat erit memorasse, illud, quibusdam in casibus, viribus stimulantibus quam potentissimis donatum esse ; nullumque remedium ad debilitatem corrigendam aut tollendam aptius inventum, ut plurimum satis superque docent exempla, e quibus

bus unum a Doctore Smollet relatum maxime notari meretur : ‘ In consequence of a cold caught  
 ‘ in France, I was seized with a violent cough,  
 ‘ attended with fever and stitches in my breast,  
 ‘ which tormented me all night long without  
 ‘ ceasing. At the same time, I had a great discharge by expectoration, and such a dejection  
 ‘ of spirits as I never felt before. In this situation I took a step, which may appear to have  
 ‘ been dangerous. I knew there was no imposthume in my lungs, and I supposed the  
 ‘ stitches were spasmodical. I was sensible that  
 ‘ all my complaints were originally derived  
 ‘ from relaxation : I therefore hired a chaise,  
 ‘ and, going to the beach, about a league from  
 ‘ the town, plunged into the sea without hesitation. By this desperate remedy, I got a fresh  
 ‘ cold in my head ; but my fever and stitches  
 ‘ vanished the very first day ; and, by a daily  
 ‘ repetition of the bath, I have diminished my  
 ‘ cough, strengthened my body, and recovered  
 ‘ my spirits \*.’—Hoc tamen remedium inconsulte minime adhibendum junioribus quibus  
 plethora adest nocere potest ; senibusque quoque  
 annis

\* Smollet’s Travels.



annis ac morbi duratione fractis, nimirum propter corporis renifum tunc temporis deficientem. Balneum frigidum forsitan illis qui melius hyeme pejus aestate sese habent, potissimum accommodatur, utpote qui *diathesis inflammatoria* immunes maxima ex parte observentur.

Aëris ratio nunquam negligenda, quippe cuius mutationes asthmaticum haud parum afficiant. Regulas tamen huc pertinentes tradere difficillimum : Nam, quod huic prodest, illi nocet. Sunt qui in urbe, sunt qui rure, facilius ac jucundius degunt. In re adeo obscura, ubi tot extant varietates, plus valet aegri experientia, quam medici consilium ; ad illam igitur semper provocandum.

Cum nihil certius corpus infirmet solvatque quam ignavia vitaque sedentaria, cuique perspicuum est exercitationem, modo vehemens non fuerit, valde esse profuturam.

Ambulatio non aequè omnibus convenit, nimirum quae post se debilitatem haud raro relinquat, sanguinemque in pulmones conjiciat : Quapropter ad equitationem, vel ad alia exercitationis genera, veluti in rheda gestationem, &c. saepe confugiendum, quae corpus et excitant et roborant,



rant, neque vires adeo convellunt exhaustiuntque.

Viſtus adhibendus, ſecundum morbi vim et durationem, variat. Junioribus ac natura validis, diaeta ex lacte praefertim parata, perque tempus brevius longiuſve continuanda, optime convenit. Si nulla, tamen, ſit plethorae ſuſpicio, vel ſi debilitas contingat, qualis ſenibus familiaris eſt, viſtus plenior, lautior, acidaeque fermentationi parum obnoxius, veluti cibus animalis, concedendus.

A ſorbillatione theae vel coffeae aſſidua et ſere perpetua, qualis ubique nunc dierum in uſu eſt, abſtinendum. Omnes animi affectiones vehementes effugiendae. Mens demiſſa et curis lacerata blanditiis leniter erigenda, dulcique ſpe confirmanda, ab aerumnis et moeſtitia omni arte ſubducenda, atque ad riſum et jocum et fiduciam invitanda, allicienda.

F I N I S.

